

Bana ke tšhegofatšo e tšwago go Modimo

Thero mo Psalme 127:3-5

Palo ya Beibele: Psalme 127

Temanathero: Psalme 127:3-5

Kantle le tšhegofatšo ya Modimo ga go na bophelo mo lefaseng. Psalome ye e re laetše ga bonolo gore tšhegofatšo ya Modimo ke ye bohlokwa mo go tšohle. Ga se baagi bao ba agago ngwako empa ke Modimo yo a agago. Ga se maphodisa bao ba šireletšago motse, empa ke Modimo. Ga se wena yo o golago tšhelete, gobane o šomile kudu, empa ke Modimo yo a re go neela go tšohle tšeo o di hlokago go ka dira mošomo le go hwetša tšhelete.

Thata bjalo ka Bakriste re swanetše go lemoga se. Gomme re laetše lefase ka bonnete bjo. Gantši o kwa batho ba re: Ke šomile ka kudu, gomme bjale ke hweditše tšhelete ya ka,

Gomme bjale ke hloka gore re phele bophelo bja maemo, go ba le ngwako, go ba le koloi, go ka kgona go reka dilo tše botse, empa ga re be le nnete ya gore tše ke tše nyane tšeo re ka di bolelago. A go na kgolaganyo ya go itiragalela magagregng ga go dira mošomo le go ba mohumi.

Empa, ge o itumelela lehumo la gago, ke tšhegofatšo ya Modimo. Gobane ke ka lebaka la pabalelo ya Modimo gore o na le mošomo. Ke pabalelo ya Modimo gore letšatši le letšatši o kgona go tsoga o ye mošomong, o tsoga o itekanetše mo mmeleng. Ke pabalelo ya Modimo gore ga o amegi mo dikotsing tše kgolo, tšeo di kago golofatšago, gore o se kgone go tšwela pele ka mošomo.

Gomme bjale, go fetša ke ka lebaka la kgaugelo ya Modimo, ge o kgona go dira mošomo wa gago. Gomme ke ka lebaka la kgaugelo ya Modimo gore o phela bophelo bjo botse. O ke ona molaetša wa mathomo wa karolo ya psalome ye: Ge e se Modimo yo a agago ngwako, baagi ba ona ba agela lefela. Ge e se Modimo yo a hlokometšego motse, balebeledi ba lebeletše lefela. Mo lefeleng o tsoga ka meso, gomme wa khutša bošego, o lebeletše dijo tša go ja – gobane ke Yena yo a neego boroko go bao a ba ratago.

Bjalo psalome ye ga e bolele gore ga go bohlokwa go šoma kudu. Go tloga mo mangwalong ka moka re tseba gore Modimo o lebeletše rena, Bakriste gore re šome ka kudu re se ke ra tšwafa. Empa, psalome ye ya re kgalemela, ga go thome ka go itshepela mo go rena, re nagana gore re ka rulaganya dilo ka moka mo bophelong. Bophelo ke mpho, gomme ke ka lebaka la kgaugelo ya Modimo gore re kgona go tšwela pele go šoma le go hwetša tšhelete gomme ra kgona go phela.

Gomme bja le se se swana le karolo le mathomo ya psalome, temana ya rena. Mo lebakeng le, go lebeletšwe bana, ga re a swanela gore re tšee mokgwa wa gore re ka dira bana, gore re ka kgona go kgetha gore re ba le bana neng. Ka moka re ka se kgone go dira bana. Go ba le bana ke tšhegofatšo yeo e tšwago go Modimo ka boyena. Kudukudu, ge re lebeletše, gore mo nakong re tlile go amogela palo ya bana.

Go boeletša, ga go matsogong a rena go hlokomela tlhago. Ke Modimo yo a neelago bokgoni bja thobalano ya monna le mosadi. Gomme ge Modimo a tšhegofatša lenyalo, o lebeletše gape go šomiše bokgoni bjo. Re ka bala se mo pukung ya Genesi 1:28 mo Modimo a botša Adama le Eva: 'Tšwalang le ate...'

Ge psalome ye e tsosšloša lebaka la go ba le bana ba bantši, re swanetše go lemoga gore ga se ka go itiragalela. Bana ba bantši ga se gore ke tšhegofatšo. Bana ba bantši ga se gore ke mohla wa lethabo. Bana ka nako yengwe ba ka ba morwalo wo o imelago go batswadi, le dihlong, le lenyatšo. Tšhegofatšo ye, lethabo la lelapa le legolo, le tlišwa fela ka ga re ga lelapa leo le tšhabago Modimo. Mo bana ba godišwago le go rutwa ka tlase ga go tšhaba Modimo. Mo bana ba

ithutago madulo a bona mo tirelong ya Modimo. Mo bana ba ithutago go obamela batswadi ba bona, ba ba hlomphe le bao ba beilwego godimo ga bona.

Bana ba ba tloba bjalo ka marumo ao a loditšwego. Psalome e dirisa kgoaganyo ye: 'Bjalo ka marumo ma matsogong a mohlabani...' Mo matsatšing ao, ge mohlabani a eya ntweng o be a fiwa marumo le se raga marumo. Go thopha ga gawe mo ntweng bo be betšwa gore marumo a gagwe a loditšwe bokae. Ana a betlilwe gabotse, ana le maatla, a loditšwe? Ka marumo ao a sa lotswago, ka go ntwaga yeo a ka thopiwago. Empa marumo ao a loditšwego a nago le maatla a dirilwe gabotse a na le lebaka la gora a ka thopa!

Ka tsela e tee ge go ka ba le kgodišo, kobamelo, maikarabelo a bana. Bana bao ba loditšwego bjalo ka marumo ka nnete e ba ditšhegofatšo. Gabotse, go lebeletšwe gore mo lebakeng le, bana bao ba sa tšebego madulo a bona, ba se nago le hlomphe go batswadi, ba ikela ka ditsela tša bona. Ba tlile go ba lenyatšo, le dirogiwa go batswadi ba bona. Ba tlile go dira batswadi ba bona gore ba kgopiwe. Ba tlile go ba batšha bao ba timetšego. Empa bana bao ba ithutilego go tšhaba Modimo e tlile go ba tšhegofatšo go batswadi ba bona. Kudukudu batswadi ba tlile go lemoga le go iponela se, ge ba gola ka bo bona. Ge ba se kgone go ka ihlokomela le go iphediša. Gomme ba tlile go iponela lerato le hlokomelo ya bana ba bona bao ba godilego. Gomme e tla ba selo se bohlokwa e se go fela go ba le ngwana le o tee, empa, psalome a rena e bolela gore, tlatšo ya bona! Ba go dikaneditše ka lerato le hlokomelo ge o gola o se na maatla. Tlatšo ye e tletšego bana ba go gola, ba go rutega, ba tseba Modimo, ba tseba e bile ba tšea maikarabelo a bona! Ka batswadi bao meriri ya bona e šweufetšego ba lebeletše bona!

Psalome a rena e bolela mohlala go netefatša se. Bjalo ka ge re bala mo temaneng ya 5: 'Wa lehlogonolo ke monna yo a na go letlatšo ya bona. Ba ka se ke ba lewa ke dihlong ge ba etla mojakong wa dira tša bona.' Bjale go hlaloganya kgoaganyo ye, re swanetše go lemoga lebaka la gore dikgoro mo nakong ya balsiraele di be di na le mošomo o bohlokwa. Ge re bolela ka kgoro, re swanetše go gopola ka kgoro yeo e lego gare ga motse yeo e go neelago tetla ya go tsena ka gare ga motse. Mo matsatšing ao ditoropo le metše di be di šireleditšwe ke lebota, mo mesong mang le mang o be a etšwa mo kgorong a eya mašemong. Gomme ge letšatši le dikela mang le mang o be a boa a tsena ka yona kgoro yeo. Re ka makala gape gore go na mo kgorong e be e le lefelo la kopanelo. Gantši barekiši ba be ba kgetha kgoro ye e le mo ba ka rekišago diphahlo tša bona. Gomme, bjale dikopanelo tše bohlokwa di be di swanela go na mo kgorong. Seo re se bitšago dikopanelo tša molao di be di direga mo kgorong tša balsiraele. Gona mo banna ba bohlale ba motse ba be ba kopana go rera melato ntshe. Go na mo o be o eya, ge o nyaka go bega motho molato, mohlala e ka ba mohodu, goba go kata, goba se sengwe.

Bjale mo temaneng ya rena lebaka la kopanelo ye mo kgorong le be lebeletšwe. Go ka direga, mohlala, gore baikaketši ba go se tshepagale, le banna ba maaka ba ka leka go ka go phara molato. Gomme ge o le motho yo a godilego, a sa kgone go ka bolela gabotse, a sa kgone go ka bea mabaka a maatla, ba be ba ka go thea go ka ba moikaketši go ba motho yo a nago le maaka, ba leka fela ka go gophara ka dilo tšeo e sego tša nnete, e le gore mohlomongwe ba hwetše tšhelete ya gago, goba phahlo, goba bohwa bja gago. Mo lebakeng le go ka ba boima mo go wena go ka ikemela. Empa o ka ba lehlogonolo ge o na le bana bao ba godilego. Kudukudu bašemane ba a bitšwa lebakeng le. Gobane go ya ka setšo, kudukudu ba be ba na le maikarabelo a go hlatsela mo kopanelong ya melato. Wa lehlogonolo ke wena wa meriri e mešweu ntate goba mme, ge o na le bana ba maatla le nnete e le bana ba gago – ba go dikaneditše go go ahlolela. Ba tlile go hlabana le manaba a gago mo kgorong, gomme o tla dula o iketlile. Ba ka se ba leše dihlong, ba tlile go emela molato wa bona!

Ba tlile go ba bjalo ka marumo a bogale, ba kgaoganya ditšhupetšo ka moka tša manaba a gago! Wa lehlogonolo ke wena, ge o humana bana ba ba bjalo, bjalo ka bohwa go tšwa go Modimo. Ka nnete, bana ke mpho go tšwa go Yena!

Ge re tšea pesalome ye, re e diriša, gabotse re ka se bolele ka bašemane fela, empa le basetsana. We lehlogonolo ke wena bjalo ka ntate goba mme yo a godilego ge o na le bana ba basetsana ba godilego, e le basadi ba maikarabelo, ba na le malapa a bona, ba go etela nako e nako, ba go hlokomela, kudu ge o se na maatla e bile o sa kgona go ihlokomela. Wa lehlogonolo ke wena, ge mantšu a barwedi ba gago, go ba kgona ga bona le ga bana ba bona – ditlogolo tša gago, di apeša go gola ga mengwaga ya gago. Wa lehlogonolo ke wena ge o ekwa lentšu la hlokomelo la boleta, o lwala o sepedišwa ka borobalo ka ge go le bjalo. Ka nnete, wa lehlogonolo ke wena, go o na le barwa le barwedi ba go tšhaba Modimo, ba phela maphelo a mabotse, ba phela go ya ka thato ya Modimo. Wa lehlogonolo ke wena, ge bana ba gago ba sa hlokofale ka pela gobane a phela bophelo bja sebe, empa e ba le maatla, ba kgona go ka ihlokomela e sego bona fela, le malapa a bona, e batswadi ba bona, bjale ka ge o ile wa ba hlokomela ge ba sa le ba banenyane.

Bana bešo, a re rapeleng gore Modimo a kwe dithapelo tša rena, gomme a re nee dikgopelo tša rena, ge re mo kgopela gore nea bana, e ka ba bana ba bantši, le gore a re nee bohla le maatla a go godiša bana ba rena gore e tle e be batho bao ba tšhabago Modimo, le gore ka morago ge e le ba bagolo, ba tlilego ba boikgodišo ba batswadi, ba re hlokomela, ba re rata, bjalo ka ge re ba ratile. Tšohle di thoma ka lerato. Bjalo ka ge Ntate wa magodimong a re rata e bile a re hlokomela. Bjale re a laelwa go rata bana ba rena, re se ba itlokomologe, empa re ba hlokomele, ka nnete bana ke tšhegofatše yeo e tšwago go Modimo ka boyena.

Amene.